

homme n'est pas plustost tombé malade qu'il ouvre de luy-mefme les yeux à la verité: la crainte de l'enfer que iufqu'alors il auoit reputé des fables, luy fait penfer au Paradis: hélas! s'efcrie il, ie me meurs, & les Peres ne font pas icy. Courez, ie vous en prie, mon frere, en quelque part qu'ils foient (dit-il à vn sien frere ainé principal Capitaine de cette nation) courez vifte, & qu'ils fçachent au plustost le peril où ie fuis. Ce frere part en hafte & vient trouuer nos Peres à 12. lieuës de là. Dieu fçait de quelle part ils volerent à ce pauvre malade, qui leur ouvre les bras, leur demande pardon, & fouspire apres le Baptesme. Quand [37] Dieu difpofe vne ame & luy parle au profond du cœur, il ne faut pas tant de paroles. Il reçoit bien toft le Baptesme, & enfemble la paix de l'efprit, & ce peu qui luy reftoit de vie, il l'employe iufqu'au dernier moment à le deliurer du malheur eternel.

Quelque reuolté que puiffe eftre vn efprit contre les veritez de nostre foy, il ne faut pas defefperer de luy auant la mort. Si Dieu qui est feul offensé attend l'heure de nostre falut avec tant de patience & de longanimité, c'est à nous à fuiure fes conduites, & adorer en tout les refforts de fa diuine prouidence.

Nous l'auons veu encore depuis peu en la perfonne d'vn autre ieune homme du bourg fainct Ignace nommé Ioseph Texatirhon. Le Seminaire de Quebec l'auoit nourry deux ans entiers, & n'en estoit forty qu'avec la grace de Chrestien & la crainte de Dieu: mais en cet aage il est bien difficile de conferuer vn fi precieux threfor dans le regne de l'impudicité: se reuoyât dans son païs, il n'est pas long-temps fans se voir engagé dans les vices qui y passent pour des